

唐棲志卷九

仁和王同輯

人物二 孝友

孝友至性百行之先風世厲俗君子取焉輿論翕然
到今稱美數百年來數人而已志孝友

明

張輿字行中張輅字行素兄弟皆明經善詩文篤於孝

友 仁和 輿以洪武初宋學士濂保舉人材由賢良方

正入見上時事 棲里景 稱旨授刑部主事詞翰清麗

乾隆府志 行素兩領鄉薦 成化府志 永樂九年舉人 乾隆府志

唐棲志

志孝友
卷九

一

終臨淄幙官兄弟有聯輝集行世 成化府志 世居槎溪 西湖

志餘 洪武初始遷仁和之塘棲鎮 陳墟撰張 曰泉漳白

華漾 棲乘 按白華港屬 唐棲鎮見山水志

丁以彬字憲中號庚石嘉靖丙午中式不仕西軒之孫

松坡之子 棲里景 天性孝友母吳孺人疾急剗股作

羹母歿哀毀特甚父松坡卒思念不忘迫於至性里

人比之丁蘭 棲水

沈宗圻字無畛朝燁子天性篤孝萬曆癸卯年十九舉

於鄉弟十九人是年朝燁領北闈解父子同科鄉里

美之癸丑母吳淑人疾亟宗圻夫婦侍奉湯藥衣不

解帶母歿哀毀骨立邁疾而卒疾亟自嘆曰我讀書之外無他營不愧清白子孫年且三十天死天其謂何哉彌留時室張孺人痛哭曰君幸遲我我即從君地下矣越三日亦卒夫婦死孝聞者傷之

樓水
文乘

張謨字思禹年十六以父爲解白糧役監刑部獄中謨知泣走京師具疏上請乞代父罪父得釋里人呼爲

孝子

樓里景
物畧

范廷輔字翼之性至孝力學父憶雲病篤廷輔籲天誓告割股療之沈疴立起崇禎庚午中式任天台縣教

諭人以爲孝感云

樓里景
物畧

唐樓志

志孝友
卷九

二

丁大綬字步玉仁和人五歲喪母後母鄭生子錫與俱就塾以弟幼掖之行雨則傾其蓋以覆弟及婦卒悉以所遺簪珥爲弟娶弟病亟目視兩子者再大綬曰汝子吾子也敢有二視耶呼己子與姪俱前長景儀次澎次景鴻次濬曰汝輩當如一父之子故景儀兄弟出入起居無勿同者

浙江
通志

所著有家訓輯畧行世

鄉賢留
祀冊

以子澎貴封禮部主事

仁和
趙志

國朝

沈德延字長宸行四鄉里稱爲孝子四郎幼孤失學孝根至性居市廛業絲粟酒漿博升斗色養以慰母心

者數十年爲母請旌建坊供高僧素慥於天遊庵祝
母壽里人因易天遊庵爲慈壽庵又捐貲倡建文昌
閣爲一鎮鎖鑰里中賢士並欽敬之神祠梵宇道路
橋梁圯廢者靡不助施修舉

徐灝字勿箴徐灝後母弟也世居淶溪十齡失怙灝亦
蚤世時值鼎革賊利其貲縱火劫掠勿箴護母棄家
避棲里屢試不售恐負母教立願積功刺銘於臂術
者卜母有厄乃早夜焚禱願捐已壽以益母年至期
果病夢神麻而瘥癸卯領鄉薦遵母訓焚券蠲租母
八旬不忍遠離母敦促乃行試畢亟返黃協先餞云

唐棲志

志孝友
卷九

三

解道季方能色養趣裝歸覲不停撓母病腰非人不
煖勿箴捧足侍卧母歿苦塊棺側足不越闕外三載
庚戌捷禮闈授中翰時母尙在殯一獲貲贈卽告假
歸里馮相國贈宋人旬云去國一身輕似葉高名千
載重如山營葬竣赴都官至工部郎中孫德泓康熙
乙未進士山東日照縣知縣

徐漪字文漪灝曾孫文學鑑威子也天性孝友訓蒙養
親兄法任廈門千戶迎父往漪居家養母盡子職母
病劇祝天割股及歿哀毀骨立不食園蔬採野薺鱧
腸作齏而啖所謂茹荼也苦卧棺側三載如一日母

既殯猶不內寢里人呼徐孝子無何父歿於閩兄亦繼亡一姪列行伍漪聞訃號痛幾絕力難奔喪惟設父主苦塊之忱一如母歿乾隆丙子秋漪矢誓捨身以取父兄之骸乃徒步往負骨歸葬說者謂千里崎嶇虎狼嵐瘴卽健兒走卒亦畏是途而牖下僂軀竟得直抵廈門安然而返非孝感乎將返有同鄉客閩者釀金贈歸漪曰不孝匍匐猶難逭罪於萬一敢叨憐惠以圖逸乎泥首叩卻荷擔而行人愈賢之歸葬大發墩祖塋之側

陳君奇陳天林之子以鄉人貿易絲布爲業天林向以

唐棲志

志孝友
卷九

四

孝偁而君奇更能菽水承歡父性嗜遊君奇察訪佳勝倩父同志者偕行出必備飲食親侍左右以伺寒煖飢渴或事阻不克偕事竣無論遠近必侍父前扶掖而歸凡父所喜食物不計價值以得爲幸巡檢司李公馨羨其居貧盡孝人情所難詣其廬贈以慈孝

可風額云

以上節采
棲水文乘

姚麟祥字孔書號紱齋仁和諸生有鳴鶴軒詩集孔書家棧水早孤業竹器以養母有醫者張某至孔書家見案上有句云月自梅花背後來問知孔書作大偁賞遂勸習舉子業事母至孝人偁姚孝子乾隆乙酉

解元陸飛其弟子也筱飲齋集中有孝子詩序述極

詳杭郡詩輯孝子姚姓名麟祥娶德清沈氏女生三子次

最慧爲其族人某後先後俱歿竟無嗣懼實行之就

湮迺爲詩冀采風者錄焉孝子生早孤辛苦甘寒飢

晨昏無以養莫慰母氏哀有僕業竹器負販相與爲

不惜市僧伍豈慮世澤微梅花出秀句驚歎逢張醫

始補弟子員阿母顧謂兒兒相寧富貴兒命實數奇

一衿可終身慎勿妄有冀再拜告阿母兒惟耽文辭

窮居亦所忻講畫爲經師母年至八十孝子已白髭

母身無苦患雙頰比凝脂老妻侔德曜力作奉孀慈

屋後有廢壤翻土芟蒿藜蒔蔬佐菽旨瓜芋大且肥

嬌兒好眉眼十歲吐珠璣日讀三百行喜甚甘含飴

阿母或上堂孝子走相依柔聲呼阿母以頰熨母頤

母手撫兒頂欵側爲兒嬉庭前紅薔薇綠蔓穿疏籬

牽衣坐花底爲母哦新詞春秋感節序母心或不怡

婦時侍中閨視色親扶持嬲姑行後圃

塘西語爲纏繞不休曰嬲

百誘冀一欺抱頸負姑走姑語婦勿癡嗔呼故相惱

兒前叱其妻老姑忽破顏婦乃笑不支一朝痛母歿

夫婦爲兒啼鄉里爲罷社弟子爲廢詩孝子必有後

淹沒竟若斯行孝豈在報錫祚理亦宜我詩不忍詳

歌之有餘悲

筱飲齋稿

王同曰孝友義行其人不出里閭其事不越鄉黨
非若歷仕宦工文章者有著作記序可采也故大
半本之棲乘而刪節之

唐棲志

志孝友
卷九

六